

四庫全書

集部

欽定四庫全書

文苑英華卷六百六十一 宋 李昉等 編

投知四

為張周封上楊相公啟一首

為李貽孫上李相公啟一首

為舍人絳郡公上李相公啟一首

為絳郡公上李相公啟一首

為絳郡公上史館李相公啟一首

為絳郡公上崔相公啟一首

為韓同年上河陽李大夫啟一首

為賀拔員外上李相公啟一首

為同州任侍御上崔相國啟一首

為舉人上翰林蕭侍郎啟一首

為張周封上楊相公啟

李商隱

某啟某聞不祥之金大冶所惡自銜之士明時不容斯
實格言足為垂訓然或顧逢伯樂但服鹽車聽屬鍾期

不調綠綺臯壤搖落老大傷悲同劉勝之寒蟬效子綦
之枯木則亦跡歸棄世行闕揚名某價乏琳琅譽輕鄉
曲粗需科第薄涉藝文雖不類於囊中水竟深於山上

淹留蓮幕

一作
侯國

栖託

一作
祇事

戎麾插羽佩韃從相公於闕

右東書載筆隨校尉於河源自北徂南已秋復夏心驚
於急弦勁矢目斷於高足要津而又永念敞廬空餘喬

木月

集作
山

中桂樹遠媿於幽人日暮柴車莫追於傲吏

將鬚理鬢霜雪呈安弔影颺音煙霞絕想徒以相公遠

敦世故容在恩門存趙氏之孤受梁王之禮筭將濫吹
石有叅瓊咳唾隨風眇昧成飾追惟疇曩曾是逢迎蜀
郡登文翁之堂上國醉曹叅之酒吹噓力盡撫愛形顏
雖以捧承莫能銜戴況許之高選光彼官情以曲臺之
任用猶輕憲署之發揮方盛仍期官牒不越歲時今則
節邁白藏候臨玄律鶯雖戀主馬亦嘶風郭伋還州尚
不欺於童子文侯校獵寧爽約於虞人苟四時之信是
孚亦一諾之恩斯及況自元和以後公侯冢嫡卿士子

孫與之同時歷然可數莫不翔踰鳥道泳出龍津或並

命南臺或迭居青瑣金朱照耀軒蓋追隨某雖忝伊人

亦惟

惟集作
共推

華胄比王謝之子弟誠有重輕在嵇呂之

交朋夙嘗連接而獨分光隣女貸潤監河野鶴天麟絕

比倫於朝右髯叅短薄困擬議於軍前竊聽重言嘗興

深嘆是以願馳蹇步誓奉光塵儻或廝錯薪之斯翹詠

歸羨於自牧少窺上路試睨重霄擊水三千暫隨鵬運

澄流十二免使魚勞猶能贊叙變調謳謔範庶無雅

拜以累於君公不使繁聲見憂於仲子心

集作仁

懷右集作

台席夢結邊城寓尺牘而畏達空函寫丹誠而慙非健

筆仰望恩顧下情無任攀戀感激惶懼之至

為李貽孫上李相公德裕啓 李商隱

月日從姪某官某謹齋沐裁誠著於啓事跪授僕者今

獻于司徒相國叔父閣下某伏遠牆藩亟踰年籥挹

英華

挹徽音於故器雖賞逐時遷竊餘潤於奧雲亦情由類

至中阿弭節末路增懷沉吟易失之時悵望難邀之會

石崇著引徒願思歸殷浩裁書其如慕義伏惟相公丹
青元化冠蓋中州羣生指南命代先覺語姬朝之舊族

莊武慙顏叙漢代之名門韋平掩耀歲

集作將

隣三紀克

佐五君動著嘉猷行留故事陶冶於無形之外優游於

不宰之中始者主上以代邸承基琅琊縉業明發不寐

懷清廟之景靈日晏忘食念蒼生之定命爰徵元老久

在寶臣五載于茲六符斯炳頃單于故境

集作地

獯鬻遺

疆屢緣喪荒亟致攜貳夙沙自縛其主冒頰忍射其親

遂去北邊欲事南牧既赫斯而貽怒乃密勿以陳謀管

氏將來屢發新柴之井留侯每入便集作更聞借箸之籌

全師集作羣師受成中樞獨運前軍露板方事於羽馳清禁

壽觴旋聞於月捷仍其貴種慕我華風或辨姓寫誠推

諸右校或釋兵伏集作服義列在周廬潞子離狄而春秋

書徐夷朝周而大雅詠其餘鷹鷲散風去雨還亘絕

漠以銷寇委窮沙而喪膽胡琴公主已出於襜褕毳幕

天驕行遺其種落集作漣醜向若非薛公料敵先陳三策充

國為舉嘗

集作盡

通肆夷則何以雪高廟稱臣之羞全肅

祖復京之好此廟戰之功一也惟彼叅代

疑作伐

實興皇

家天漢美名方之尚陋舂陵王氣比此非多而物衆藏

姦地寬長孽敢起在行之衆因興逐師之謀遂使起義

堂邊台臣夙駕晉陽宮下逆豎宵奔翻

集作月非

勢將冀於

連難勇鬪尚同於困獸詎知長筭已出奇兵金僕靈鉞

靡留於旬朔獲輿貫木已集於都街此廟戰之功二也

而潞寇不懲兩豎之兇徒恃三軍之力干我王畧據其

父封袁熙因累葉之資衛朔搖大君之詔人將自棄鬼

得其

集作而

誅蛙覺井寬蟻言樹大招延輕險曾微

集作微非

吳國之錢藏匿罪亡又乏江陵之粟所謀者河朔遺事

所恃者巖險偷生今則趙魏俱攻燕秦

集作齊

併入奉規

於惟惺遵命於指蹤亞夫拒吳驚東南

英華作西非

而備西

英華作南非

北韓信擊魏艤臨晉而渡夏陽百道無飛走之

虞一縷見傾危之勢計其反接當不踰時是則陳曲逆

之六策

集作奇

翻成屑屑葛武侯之八陣更見區區此廟

戰之功三也孤

集作三

寇行靜萬方率同將盪海騰區夷

山拓宇高待泥金之禮雄專痊玉之辭烟閣傳形單車

就國盡人臣之極分煥今古之高名况又奉以嘉聲諧

茲國檢傳文賜糗遠歲醉飽之徒晏于朝

一作

衣橫厲

輕肥之俗比周息慮孤介歸仁紹續勲家扶持舊族罔

容私謝皆事公言景風至而慶賞先行仲吕叶而賢良

必遂豈直杜伯山之令子大邑傳榮陶彭澤之孤孫西

曹受署重以心游書圃思託文林提

英華作緹非

抱於絕藝

之場班揚掃地鞠旅於無前之敵江鮑輿尸

集作棺

故矯

枉

集作狂

則黃冶

德裕有黃冶賦英華作竹非

之賦興游道則知止之

篇作詞窮體物律變登高文星留伏於筆間綵鳳翱翔

於夢裏此固談揚絕意報

集作做

效何階若某徒預宗盟

早塵清鑒而行藏遷貿岐路差池今將抽實吐誠推心

叙欵緘

集作感

猶未寫詞已失煩

集作繁

某爰自弱齡實抱

孤操寒郊映雪暑草搜螢雖有謝於天姿或無慙於力

學庾持奇字

陳庾持傳好為奇字英華誤作屢持奇字

信未皆通敬禮小文

頗常留意大和中敢揚微抱竊獻短章方候明誅忽蒙
復命荊州一紙河東百金叨延月旦之評長積竹林之
戀竟以事將願背蹇與身期離索每多交攀莫遂武陵
被病洛表求醫未及上言先蒙受代肩輿而至杜門以
居蓬藿荒涼風霜迅厲今已稍痊美疢獲託休辰殷鈞
體羸尚能為郡馬卿疾罷猶可言文退無井臼之資進
乏交朋之助是以徘徊軒幄託附緘封冀陳蔡之及門
庶江黃之列會敢渝孤直仰累清光東浪驚年西颺結

欵矢

英華作
交非

心佩賜畢命銜輝道阻且躋書不盡意金

楹假蔭望同相賀之禽珠岸迴光庶及不枯之草明懸
肝膽唯所鑪錘干冒尊嚴伏用兢灼謹啓

為舍人絳郡公上李相公啓

某聞量力省躬典刑之深旨度材任事聖哲之良規某
雖甚愚頗嚮斯義屬者諺圖

集作
從

仕進因藉時來伏值

相公顧以外藩夙通衿契憫羊曇之未立早託謝家憐
康伯之無歸常依王氏拔於幽滯處以周行遂俾

集作
得

南憲中臺屢承闕乏內庭西掖比辱昇遷邁越時流塵
汗中旨恩渥非次性命難移徒當侍從之榮莫有論思
之效竟使懼因福過疾以憂成外雖全人中抱美疢亦
常願青蒲瀝懇紫殿披誠進退未聞過累仍積及正名

綸閣收跡翰林尋願

集作欲

竊候休旬拜伏

集作拜謁

蕭屏謝

昔年之朝獎杼他日之私誠而機事且繁燮和少暇齊

沐累至肝

集作肺

腸莫滋旋屬虜帳夷氛壺關伐叛絳臺

北控有元戎大集之師鄭國東臨過列鎮在行之衆任

當調發事屬供湏豈斯擇材皆在非據周旋三郡綿歷

兩霜頒宣詔條祗暢

集作暢

廟畫雖無咎悔亦乏殊尤

集作

功今幸四海無塵九州嚮化靈臺偃伯衢室歸尊是修

明禮律之初舉拔俊賢之始而鄭之為地右臨梁苑左

倚成臯比之列藩實為劇郡山東望族幾同屈景之強

洛邑頑民嘗雜萍蒲之聚永言出牧豈易其人而又孔

道所因使車旁午送迎或闕則怨讟流詞館餼稍求

集作

非則職司謗

集作貽

辱託之全器猶或難居矧在朽材寧

宜久處某伏思自隨宦

集作官

牒遽忝恩榮位至圭符寵

當金紫或筋骸無苦心志有餘即豈願踞熊軾以告勞
指隼旗而辭疾直以攝生寡妙舊恙無痊儻或形言懼
塵清聽每朝昏改候霧露潛威則或至問俗有違在公
多廢坐為尸祿行有愧顏而又貪盛明之時有婚嫁之
累未敢高論止足直乞退休是以輒疏情誠上干陶冶
伏惟相公雲龍叶應舟楫呈功比屋可封期於屈指一
夫不獲固以動心如蒙曲鑒深誠猥從至願置之他所

以遂其愚

集作宜

則吳楚列城江關別郡

集作部

雖居隣佐

亦委緝綏獲安病躬豈敢擇地猶希磨淬鉛鈍撫養疲
羸積以歲月少裨塵露伏惟試賜恩照圍減帶緩髮稀
弁傾窅然向風目極心往下情

為絳郡公上李相公啓

某少悲羈屑不承師友之親

集無此字

規晚學文章粗致鄉

曲之名

集無此字

譽謬汙官秩遂彰華纓握蘭清曹視草禁

掖貪叨過極憂責匪寧早為寒暑之

集作所侵頗染

集作有

肺腸之疾自頃以慶雲結蔭宸極係心當就望以推誠
於煎調而寡裕前歲伏蒙任使奉遠承明值朝廷興問
罪之師原野有宿兵之餽絳城甚苦鄭驛匪遙集作加

之以降虜移鄉仍之以貴臣銜命飛輓之外將迎實繁

旁奉廟謀上遵詔旨動繁調發居勞撫安抱疾以臨為

日斯久伏幸姦克克又濡澤橫流是大朝陟降集作點陟之

初良治挺鎔之始此郡路通四境名冠六雄軒蓋已來

原野交錯集作午萍蒲有聚武吏貽憂雖清時無杼軸之

虞而常日有逋懸之賦必在假之賢守屬以強材然後

清

集作
詠

詠克興公私不廢豈可使某素兼疴恙本之良

能久於是邦以主東道餽飡將樂甌並進假牒以公案

相隨含意不言貪榮是罪相公漢籌始運殷鼎將調度

材任官歸於至當存誠愛

集作
受

物決在無頗竊敢自託

緘封遠干樽俎俯期恩意

集作
旨

以保衰微且某運偶昌

期年初知命豈不願臨劇郡稍冀榮途但以力有所不

任心有所不逮雖欲勉強實憂傾敗彼吳楚偏鄉非舟

車要路永言凋瘵亦藉緝綏儻特降優容遙聞擬議則
朽質有報恩之所羸軀收曠位之譏宿疾或痊理劇未
晚伏惟試賜裁度嚮風披懇服義陳詞仰台耀以瞻輝
望洪鈞而佇惠干冒尊聽集作雄伏積兢惕謹啓

為絳郡公上史館李相公啓

某啓伏以秉大鈞者以物得其所為先執大化者以材
適於任為急將以致理在明命官使輕重合宜大小集
小有裕然後人稱其職職無廢人此相公之所集無
此字以

明知也某材術素寡聲光莫聞偶叨承平謬登華顯洎
分符竹使絕籍金閨一授專城再賜灰琯且解巾臨郡
前賢攸重一麾出守昔人所榮雖積戀於本朝實俯光
於單緒況又此州管叔舊國帝鴻遺墟接彼嶽峽浸以
京索聚山東之右族邇雖表之宸居內揣非才頗榮斯
集作所任而復以通莊所自假道攸繁載惟餞迓之勞實
半頒宣之務必屬於壯齒付彼全人用以責功僅能集
事某早年被病晚歲加深衣袴無取於潔清藩溷動淹

於景刻徇已則坐墮物務業官則立致蕭衰願

集作俱
敬

濟於公私實加憂於寤寐坐

集作
矧

茲仍歲適有外虞降

卒征人旬時併集飛芻輓粟星火為期以此疚心彌深
舊恙今寢瀛大定雨露霽流高步翰飛一呼而至雲羅
場藿萬里無遺將調斯人以求良牧得才為美今也其

時儻蒙允贊聰明曲聽奏記俯憐衰藹稍賜優容則亦
不敢便掛簪纓遂離鑪

集作
陶

治江吳偏郡襦袴須人無

根節之難少舟車之會俾之養理使得便安庶粗致人

謹以酬廟筭則某所謂材有稱職時無廢人凡在宦途
皆仰時化伏惟試賜恩察違離漸久刺謁未由昔在丘
門嘗忝四科之列今瞻魯史將期一字之恩下情無任
感戀兢惶之至

為絳郡公上崔相公啓

某啓某本洛下諸生東莞

某作山東

舊族粗霑科第薄涉藝

文謬藉時來因成福遇青縑赤管已忝於華資

某作清華

黃

紙紫泥仍叅於宥密相公早容薄伎獲寄光塵別殿朝

迴禁林夜直每披襟素常賜語

集作語

言知蔣琬之為公

敢矜先見哀馬卿之多病亦辱來言圭律未遐銘鏤斯

在相公鹽

集作羹

梅調味舟

集作川

檝濟時晉水擒亮韓都

蕩梗以不剛不柔貞百度以無偏無黨定九流若某者

實有何能可叨出牧絳田已非厥任榮波轉過其材間

歲已來為政非易有南遷之降虜有西山之成師資罪

所供餼牽之備未嘗造次敢怠躬親今梟獍掃除馬牛

歸放將使坐臻富庶必先用得材能此地名高六雄實

控東道分憂之寄自昔為榮況在踈蕪敢忘涯分但以
輜軒空至賦貢川流非唯撫字之難兼有送迎之遽舊
疴加甚朽質難堪假故稍頻曠廢為懼又以宦游既久
故里多違陶令之田園將蕪尚平之婚嫁未畢顧惟羈
絆未可歸休竊敢遠疏丹誠上干清重匪獨析恩於時
宰實將誓欵於已知儻蒙以然諾為心誠明濟物垂憂
不逮賜議所安則吳楚之間郡邑不集作少非集作當
衝要或異膏腴使之頒條庶可求瘼一昨賊平之後啓

事尋成冰霜始嚴筆札未暇又伏慮內庭展顧稱已推
遷外郡寓詞頗乖流品沉吟有日鬱悒經時今則情素
坐煎驅馳行久若猶緘默是負陶甄伏惟曲賜恩鑒誠
懸書殿戀積台階比殷浩之空函情同事異望孫弘之
東閣魂往形留下情不任感戀兢惶之至

為韓同年上河陽李大夫啓

某啓某材術空虛行能無取因緣慰薦蒙記姓名劉弘
一紙之榮方斯未重季布百金之諾比此猶輕昨者李

涿侍御此來又蒙降以重言將之厚意望輝光而使同
簪屨在負荷而何啻丘山況某婚姻早聯門館外舅以
列藩之故家人延自出之恩重疊依投綢繆顧遇東床
坦腹早以愧於郝公朱印曳裾復欲階於謝掾儻復清
風時至丹慊獲申實於生前識其死所伏希恩答

為賀拔員外上李相公啓

某啓某聞被彩飾於無用之姿斯須或可垂休光於不
報之地始卒攸難至有馬瘦而尚報輕軒蓆敝而猶存

華幄推仁則極備用無聞雖有切於戀思且自量其涯
分嗚呼某者今甚類焉翰柔莫申語苦難聽聊憑牋素
用寫肺腸伏惟少霽尊顏猥賜披省某伏思早歲仰累
深知龍尾貽譏敢通交契牛心前啗實媿時才世故推
遷年華荏苒葭灰檀火屢變於寒暄靈濟泥涇遂分於
清濁羈離管札僂俛絃歌名汙柳營顏慙花縣竟以千
金乏產三逕無歸初服莫從迷津亟問屬者伏幸相公
羹梅調味川楫濟時起塌翼於衝風活枯鱗於亂轍登

諸蘭署轄彼芸籤臺閣移文語薛夏而無取東南才子
並張率以何能未報前叨旋承後顧版圖被召花幕分
榮牧駑駘於阜棧之中刻蚣蝮於樂懸之上勢高足跌
道泰身屯未竭私誠已嬰沉痾況某素無靈氣夙昧攝
生乏單豹養內之功闕王吉實下之效湫底莫適節宣
失中然猶深願待年少酌厚德三醫畢訪百藥皆投竟
非無妄之災莫見有瘳之候濱於九死復彼十旬取煖
則煩加寒必痢髮寧支弁帶不成圍謝述心虛方茲未

逮田光精竭比此猶強豈可尚占職員但尸俸入久塵

物議且速殘骸況相公職統簿違時登眾寡任崇按比

務繫孤終

見國語

職是賓僚豈宜虛曠固不可不私微物

曲降深慈憫將盡於桑榆妨得材於杞梓是以推枕興

感攝衾占辭願申斂跡之期以贖曠官之咎祇聽裁旨

用息兢惶必也舊履流恩遺簪結念

集作款

恤以孀孤非

少婚嫁未終不使衰羸便辭祿仕致乎外地晞以末光

未乖念錄之仁稍減憂慙之累亞尹諸府別乘近郊負

荷無羞餽餽有繼則猶冀逢十全之藝近一日之生重
發門墻再就埏埴是所願也非敢望也詞多力殆感極

集作深

涕英華作誠

繁避席承言未卜曹參之侍封函抒欵畏

遺殷浩之誠

集作書

瞻望清光實動魂守伏惟特賜優察

為同州任侍御史上崔相國啓

憲啓憲質異楚材寶同燕石重以羈紲即丁憫凶瞻遺
構以闕然不堪多難奉成書而未就無處求生貌是流
離屢經寒暑逮於集作乎既冠猶恤無家叨承師友之規

獲忝簪纓之列此皆相公推孔李之素分念國高之舊
家鏤朴雕頑披聲抉賸沐膏雨以令植假順風而使飛
不然則安得獲驪龍之珠假獬豸之角榮皆過望感豈
勝言而猶長望下風徘徊高義望賀燕以難去撫栖鳥
而不寧者蓋以相公以伊臯之事業佐大君以揚馬之
文章輔昌運一登宣室遂借前籌以有征無戰之方彰
明下武以永逸暫勞之勢恢拓中華不舞梯輦不鳴金
鼓復數千里之沃野刷十五聖之包羞彼圍穀而穀人

不知入鄭而鄭陴皆哭方茲決勝彼有多慙今百戰聿

修五工

集作九功

咸叙萬國佇登封之禮五山傾望幸之祥

鯨至鷁來茅歸楛入馳湯驟夏轅漢陵周若憲者雖不

能行舜舜戈坐耕堯壤至於獻千載河清之序裁二王

助祭之詩歌詠相庭發揮帝載則其志願亦或庶幾伏

希孫閣時開邴茵多恕克懋山公之德終全趙氏之孤

擁篲瞻門封函即跪苑沙宮樹雖吟左輔之風煙良夜

慶宵唯望中台之畧度感恩撫已誓志投誠仰惟輝光

終賜埏埴下情無任感激攀倚惶戀之至

為舉人上翰林蕭侍郎啓

某啟某聞師曠之琴不鼓之則無以召玄鶴楊羲之石不用之即無以聘應龍物既有之言亦由是伏惟侍郎學士網緼降秀翕闢資華天上比方但有文星粗爾人間議擬未將秦華為然爰自妙齡遂肩名輩當時人物何哉唯効於褚公邇日風流杜又難方於衛玠加以弘成與石郭璞傳毫渙水儻來皆逢藻繪荆峯若至只有

璆琳合沓黼絀縱橫筆硯三都作序不勞皇甫士安萬
乘為僚只有東方曼倩況從近歲且有外虞傅介子在
樓蘭國中竒功未就班仲叔於玉門關外報命猶賒雖
太平之業已隆而震耀之威尚作侍郎又綢繆武帳密
勿皇圍九地九天之兵寧因舊學七縱七擒之術固已
玄通用視草之工解按劍之怒手為天馬心繪國圖九
重之中暫煩前箸萬里之外輒敢銜車位誠在於論思
功已參於鎮撫圖書之府鼎鼐之司伊咎懸遺悵集作悵

之誠夔說貯妨賢之媿載惟後命夫豈踰時抑某又聞
之昔管仲經邦賓客有二周公待士吐握皆三郟丞相
之車茵寧彈醉客平津侯之賓館不礙布衣並脂粉簡
編冠纓圖史後之披卷皆若昇堂侍郎美譽滂流高節
彌折擔簦者成市躡屨者如雲此乃前賢後賢不殊軌
轍往哲來哲非異門墻縱燕有黃金之臺齊為碣石之
館料其棟宇必已荒蕪若某者陋若左思醜同王粲鬚
眉不及於崔琰腰腹無預於鄭玄若植庭蘭固多慙德

如逢巖電不望齊名重以惠劣禍生專非董氏殊顏回
之易鑄若宰我之難雕徒欲萬卷咸披且乏五行俱下
叨從歲賦勉致文編戶戶醬甌唯聞見辱人人蒼白不
肯留題再困於魚登一慙於鴈序

其長兄兩
舉及弟

然天付直

氣家傳義方雖在顛蒙不苟述作廣絕交之論抑有旨

焉移太常之書非無

集作
敢

為也頃者曾干閣侍獲拜堂

皇既容納之有加遂希望之滋甚爾後以毛傷崇

集作
崇

彈鱗損在鈎拔刺不遷噉喙無暇既乖受教便以經時

今孝秀員

集作爰非

來風霜已積秦人屢出自欲焚舟楚卒

數奔誰教拔旆是以更持魚目當夜肆以沽諸復挈豚

蹄祝天時之未已義誠多媿志亦可憐儻蒙猶枉鉛華

更施丹雘俾其恩地不在他門雖不及采

集作衰擬作

椽備

枝梧於大厦亦庶乎稊米增流行於神倉與夫九九之


能

集作推非

猶或萬萬相遠誠深詞切聲急嚮煩仰郭泰之

龜龍望仲尼之日月濡毫伏紙億萬常心干冒尊威伏

用戰灼謹啟



文苑英華卷六百六十一

欽定四庫全書

集部

文苑英華卷六百六十四至

詳校官給事中臣李臺

助教臣常循覆勘

總校官進士臣朱鈞

校對官中書臣王瑣

謄錄監生臣李永寧

欽定四庫全書

文苑英華卷六百六十二 宋 李昉等 編

投知五

上白相公啟一首 上崔相公啟一首

上翰林韋學士啟一首

上令狐相公啟一首 上崔相公啟一首

上首座相公啟一首 上宰相啟二首

為八上裴相公啟一首

上鹽鐵侍郎啟一首 上封尚書啟一首

投憲丞啟一首 上裴舍人啟一首

上蕭舍人啟一首 上學士舍人啟一首

上杜舍人啟一首 上吏部韓郎中啟一首

上白相公啟 薛逢

某啟某聞杞梓居林掄材必藉其良匠驂騶伏阜發跡
用章於圉人將假激揚必先紹介如某者關中士族海
內窮人幼遭憫凶壯知傳導南窮海裔北濟河源勤苦

一經恓惶三紀家門板蕩亡惠子之五車風樹哀纏痛

虞丘之三失加於元昆厄

一作抱

瘵孀妹無家同氣六人

半歸全壤嗟乎郭氏之昆多疹顏生之室屢空縱白首
粗霑一名或終身不知五味衰凶荐及沉痛可知往往
晝卧及昏夜坐連曉長安甲第羅列九衢朱門大開欲
往誰訴因大中四年冬蒙相公念以苦心拔授館職期
於旦暮必使奮飛旋遇羌寇犯邊相公北討風雲一失
流落十年尉萬年而郎秘書宰四畿而紉東絡凡所蒞

守皆立涓塵但以時尚佻浮不熟根本以親庶務者為俗吏以能矯枉者為令人聲名者門簿高低流品出人
家子弟豎置童騃擠排老成遂使清貫華資茂聞於擬
議塗趨空走久困於風塵自相公每疑作再秉鈞衡重開

壚治私門相慶如春發榮山妻歛袂而前曰爾以詞賦
擬高科以詩篇達天聽以政事取章綬以孤直沉下僚
今相國司徒公鼓鑄元和疇庸品物風俗日益厚泰階
日益平是懷才抱器之人雲飛雨化之秋也何尚悒悒

於蓬茅者乎於是整某之冠急某之帶驅策僕御促某
出門仍授某洛下所著百篇再拜祝而送之曰飛龍在
天雲雨聞聞賢相秉鈞倫方序員時哉時哉君其勉焉
某離鞍拜賜起乘而出茫茫一作洋洋然而又不知其所自
平生坎壈難自梯媒進退嘒嘒終莫上達亦猶魘者夢
逐聲愈哀而言愈不宣足愈勤而身愈不進孤影無援
危燈在旁幽憂旅魂逼迫中夜獨能振臂呼而寤之者
唯相公乎伏惟明誠燭兩耀大信鈞四時網維設而天

地開陰陽順而風雨若一物失所如推諸隍其所以滌

慮嚮風齋心卜日細將肝膽具以

一作再具

投陳伏惟念以

迷邦釋之網罟幸甚每自握朝鏡潛窺壯猷恭守門風

不敢墜地或乘秋搏擊或載筆芟夷或獻替而定否臧

或從容而備顧問儔諸流輩亦不後人誠知自銜自媒

士之醜行但以日暮途遠倒行逆施若俟陟級循涯必

慮填溝委壑而又搜尋志尚爰及成人後思慮者三十

年著詩賦者千餘首雖不足誇張流輩亦可以傳示子

孫豈料尚與廢弟小兒蹴躡中途而爭先後抑又聞哀
音入耳達者動容伏惟示以長途指之中道俾入懷之
烏重明憂漢之心曳尾之龜再有巢蓮之望不獨銜環
報寶矯印酬愉必能當場効剋敵之功灼骨獻非熊之
兆伏以國政初畢機務尚繁敢罄腹心先致門閨僭越
之罪無所逃刑伏惟俯賜省覽百生幸甚百生幸甚不
宣謹啓

上崔相公啓

某啓某聞擁腫之材動乖於繩墨琤琮之韻自合於宮
商雖觀聽以由人實否臧而在已所以困驥見稱於伯

樂焦

一作
變

桐取譽於伯喈咸發跡一時垂芳千祀某自

聞成建號則執藝求知跡忝及門名叨中選或緣情序
美移時而獎導再三或體物達誠一席而稱揚數四遂
使聲華振耀誼動革流桂折高枝名登上第但以依仁
歲久軒墀之桃李成陰趨屏年深門巷之倚桐暗老徒
蒙蔭覆莫自根牙良辰幾何玄鬢倏改伏惟相公推名

意切錄舊情深朝宣一言夕濟千里俾平生志業不負
於辛勤向者恩知果成其遠大生死幸甚生死幸甚願
將偃頓屢瀆堦墀日暮途遙誠堪憫念

上翰林韋學士啓

學士文山拔俗蒿華讓其孤標學海無邊乾坤以之涯
淡優游仙署偃息禁闈筆灑王猷硯涵天澤成霖而雨
露非遠吐氣而虹蜺坐舒流品羣倫衣冠仰其衡鏡扶
持大厦社稷思其棟梁不有伊人孰為邦彥某頃因章

句獲達門墻雖大匠剪拂之間多慙擁腫而貧女鉛黃
之飾豈讓娉婷故得桂枝先攀揚葉高中始謂陵躍出
泥渣指顧生風雲嗟乎九仞將成而一篲莫前三年欲
飛而長風不借顧影增嘆誰將晤言當疑作嘗聞通義相

公爐冶新開陶甄是切儻閣下猶傷墜履一作屣終許掃

門信執鞭之亦為奚指蹤而不可方某選限猶遠官秩
未期伏希度以短長擇其任用上可以考校書府下可
以羽檄戎藩庶竭駑駘稍裨萬一聊將肝膽輒自梯媒

躁進之辜不敢逃責

上令狐相公啓

溫庭筠

某聞丘明作傳必受宣尼王隱著書先依庾亮或情優
國士或義重門人咸托光陰方成志業抑又聞棄茵微
物尚軫晉君壞刷小姿每干齊相豈繫効珍之飾蓋牽
求舊之情某邴第持囊嬰車執轡旁徵義故最歷星霜
三千子之聲塵預聞詩禮十七年之鉛槧尚委泥沙敢
言蠻國叅軍纔得荊州從事自頃潘床無鏡校府侶

疑

弓戴經稱女子十年留於外族稽氏則男兒八歲保在
故人貌是流離自然飄蕩叫非獨寫欲近商陵嘯類斷
猿況鄰巴峽光陰詎幾天道如何豈知蕞陋之姿獨隔
休明之運今者野氏辭任宣武求才儻令孫盛緹油無
慙素尚蔡邕編錄獲偶貞期微迴磬欬之榮便在陶鈞
之列不任覲冒彷徨之至

上崔相公啓

某聞石苞羈賤早遇何曾魏武尊高猥知徐晃其後咸

成間氣訖立鴻勳簡冊

一作素

增輝亦俾罇彝動彩則道

惟熙載皆資甄藻之時德邁賡歌必用搜羅之道是以
皇綱克序茂範咸凝某荆氏凡材雕陵散質謬傳清白
實守幽貞覆圃彎弓何能中鵠丘門用賦尋耻雕蟲常
患荒蕪殊非挺拔依劉薦禰素乏梯航慕呂攀嵇全無
等級分甘終老莫有良期既而竊仰洪鈞來窺皎鏡墳壚
下土敢望頒形甕盎頑姿寧希鑒貌豈謂不遺孤拙曲
假生成拔於泥滓之中致在煙霄之上遂使龍門奮發

不作窮鱗鷲谷翩翩

一作翔

終陪逸翰此則在三恩重吹

萬功深空乘變律

一作捷

之機未得捐軀之兆豈可猶希

鼓鑄更露情誠伏念良馬嘶風非甘伏皂饑鷹刷羽終

耻棲籠誠知泰養之恩頗有飛翔之志而又專門有暇

曾習政經閉戶無營因窺吏事既辨張湯之鼠深知子

產之魚書劍彷徨年光倏忽徒思効用無以為資儻蒙

再扇薰風仍宣厚澤庶使晏嬰精鑒獲脫於在途駸蔑

微班得昇於收器纔聞磬效便是扶搖

上首座相公啓

某聞舉不違宗得於王濟近因其族聞自謝玄雖通人
與善之規亦前哲睦親之道某謬恭華緒得庇餘蔭固
已鯉庭蒙翼長之恩阮巷辱心期之許遂得遷肌改骨擁
本揚英則窮鳥入懷靡求他所羈禽繞樹更託何枝昨
者高壤五秋川塗萬里遠違慈訓就此窮棲將卜良期
行當杪歲通津加歎旅舍傷懷相公河潤餘津雲行廣
施調羹之味未及宗親育物之餘希沾幼弱儻或假一

言之甄發隨百蟄之昭蘇庶令葛藟之陰拘

均疑作

其煦

育椒聊之實遂彼扶踈成鍾儀操樂之規寬顧悌拜書
之戀下情無任

上宰相啓二首

某聞日麗於天洪纖必及月離於畢枯槁皆蘇斯則推
拔疑作無私彰於大信苟闕於宰匠咸仰以生成其或

潤接西郊流金未已光承北陸豐蔀猶深則亦分作窮
人甘為棄物歲華超越京洛風塵忽爾號咷固非阮籍

泫然沾灑不為揚朱畧忘覩冒之辜惟以哀矜為主伏
念三餘簡墮六尺伶俜臨濟輝華昔懸陳榻洛陽羈旅
今造膺門已驚於自棄流根敢望於哀多益寡但以謝
家故墅事屬臨川陸氏先疇名遷好時同氣雖均於昭
泰連枝或累於榮枯是以更就洪鈞來呈瑣質雖戴達
之弟志尚無聞而何準之兄恩輝已遍豈宜苟希河潤
更望餘波投驥尾以容身執豚蹄而望歲然則迹同永
疑作

水

子質異山郎梓柱雲楣獨居蝸舍綺襦紈袴已卧

牛衣若乃清旦問安長筵稱壽貂璫必集少長俱來膏
沐之餘則飛蓬作鬢銀簧之末則青草為袍莫不顧影
包羞填膺如歎儻或王庭辨貴許厠九疑京縣坐曹令
懸五色校於同列未越彛章則衛館孤遺常聞出涕山
陽舊曲不獨傷心誓將居必在勤行惟鞭後潛知寄託
所望於江州必効忠貞得酌於吏部無任惶懼之至

二

某聞仁祖乘流先知彥伯張憑植棹整值劉悵豈惟俄

頃遭逢抑亦初終汲引當其羈遊臨汝旅泊丹徒遐思
磬欬之音杳絕烟雲之路苟無直道將委窮途何異於
懸水揚音九弄有潺湲之曲嚴霜戒節兩擊含清越之
儀某融襟蟻術造跡龍門三千子之聲塵曾忝講席十
七年之鉛槧夙預玄圖而性稟半癡機無兩可牧堯弼
而寡術舉舜鳳以無緣使何準之兄皆為杞梓戴逵之
弟獨守蓬茅至於詞苑辛勤儒林積習自期燕筍不媿
秦臺伏以相公周輅輪轅虞琴節奏早振經邦之業果

敷華國之姿伊尹安危本同於兆庶淵源

晉殷浩字淵源唐人避諱

以深字代淵此猶存舊字

行止必繫於興衰既而放跡戎軒遺榮畫

室劉尹秣陵之柳尚有清風邵公陝服之棠空留美蔭

竊聞謠詠即付樞衡是以負笈趨塵羸糧載路願奏書

於台席忠撰履於侯門儻張禹尊高猶為戴榮說禮鄭

玄嚴毅便令服慎聞詩敢嘆朝饑誠甘夕死加以旅途

勞止末路蕭條不無悽惻之懷豈止羈離為主仰瞻旌

榮如望蓬瀛不任懇迫之至

為人上裴相公啓

某聞瘦馬依風悲皆感土秋鷹厲叨饑則投人能知養之恩頗識歸飛之兆是以臺卿澀壑先告孫賓越石棲身惟親晏子觀賢達始終之趣察古今行止之規必有良知願諧依託某伶俜弱植憔悴孤根詞林無渙水之文官路乏甘陵之黨每持踈拙久謝紛華既而曳履侯門經時不遇牽裾憲府越月而昇九衢獨愧於迷津五省纔霑於掌庾相公初締鄭棟甫潤殷林寧知藁陋之

姿首在陶甄之列，拔於郎吏，委在絃歌，元日縱囚，殊無異政。清晨探賊，未報殊恩，豈期遽露情誠，猶煩鼓鑄。近者私門集，豐同氣，貽災孀幼，流離關河，緬邈淚變，長弘之血髮，同園客之絲萬里，魂銷孤燈，弔影蓋人生之大痛，行路之同悲，泉壤長辭，何緣取決，人琴併絕，不得申哀，端居則有愧簪纓，乞告而曾無事例，又以孔懷酷遠，先塋非遥，永言龜告之期，遂在烟鳴之月，儻解其所任契，彼私心絕，緬冒於官曹，獲優游於教義，孤誠所願，九

死如歸其或念以艱虞難於罷免亦有虛閑散秩不滿
於幽微終鮮之悲無慙於顯悔伏增哀迫懇欵之至

上鹽鐵侍郎啓

某聞珠履三千猶憐墜屐金釵十二不替遺簪苟興求
舊之懷不顧窮奢之飾亦有河南撰刺徵彼通家號畧
移書期於倒屣志亦求於義合理難俟於言全某菅蒯
凡姿邾滕陋族釋耕耘於下邑觀禮樂於中都然素勵
顛蒙常耽此興未逢仁祖誰知風月之情因夢惠連或

得池塘之句莫不冥搜刻骨默想勞神未嫌彭澤之車
不嘆萊蕪之甑其或嚴霜墜葉孤月離雲片席飄然方
思獨往空亭悄爾不廢閑吟強將麋鹿之情欲學鴛鴦
之性遂使幽蘭九畹傷謠詠之情多丹桂一枝竟攀援
之路斷豈真牛衣有淚蝸舍無煙此生而分作窮人他
日而惟稱餓隸頃者萍蓬旅寄江海羈遊達姓字於李
膺獻篇章於沈約特蒙俯開嚴重不陋幽遐至於遠泛
仙舟高張妓席識桓溫之酒味見羊祜之襟情既而哲

匠司文至公當柄猶困龍門之浪不逢嬰友

一作之春

今日俯及陶鎔將裁品物輒申丹慊更竊清音儻一顧
之榮將迴於咳唾則陸沉之質庶望於騫翔永言進退
之塗使決榮枯之分如翩翩賀鷟巢幙何依敲觥齊牛
釁鐘將遠苟難窺於數仞則永墜於重泉空持擁篲之
情不識叫閤之路不任懇迫之至

上封尚書啓

某跡在泥途居無紹介常思激勵以發湮沉素稟頡思

夙耽此興因得誅茆絕頂薙草荒田默想勞神冥搜刻

骨遂使崇朝覽鏡壯齒成衰暇日歌冠玄髻

一作髻

變白

望將蕪菲來貢文明伏遇尚書秉甄藻之權盡搜羅之
道誰言凡拙獲預恩知華省崇嚴廣庭稱獎自此鄉閭
改觀瓦礫生姿雖楚國求才難陪足跡而丘門託質不
負心期一旦推轂貞師渠門錫社顧惟孤拙頻有依投
今者正在窮途將臨獻歲曾無勺水以化窮鱗俯念歸
莫猶憐棄席假劉公之一紙達彼春卿成季布之千金

沾於下士微迴咳唾即變昇沉羈旅多虞窮愁少暇不
獲親承師席躬拜行臺輕冒尊顏伏增惶懼

投憲丞啓

某聞古者窮士求知孤臣薦拔或三歲未嘗交語或一
言便許忘年竒偶之間彼何相遠則運租船上便獲甄
才避雨林中俄聞託契此又無由自致不介而親者也
某洛水諸生甘林下黨曾游太學不識承宮偶到離庭
始逢仲暉懸盧照字編葦為資遂竊科名纔沾祿賜常

恐澗中孤石終無得地之期風未微姿未卜棲身之所

侍郎議

一作義

合機豕望逼台衡每叙羣才常推直道昨

者攝齊丘里撰刺膺門伏蒙清誨垂私溫言假煦內惟

孤賤急被輝華覺短羽之陵飈似窮鱗之得水今者方

祗下邑又隔嚴扃誰謂避秦翻同去魯佇見漢朝朱博

由憲長以登庸願同晉室徐寧因縣僚而遷次下情無

任

上裴舍人啓

某自東道無依南風不競如擠井谷若泛滄溟莫知投
足之方不識棲身之所孫嵩百口繫以存亡王尊一身
困於賢佞伏念濟絕氣者命為神藥起僵屍者號曰良
醫自頃常奉緒言每行中慮猥將瑣質貯在弘衿今則
阮路興悲商歌結恨牛衣夜哭馬柱晨吟一笈徘徊九
門深阻敢持幽款上訴隆私伏以舍人十六兄法上聖
之規行古人之道俯敷中外不陋幽沉迹在層霄足有
排虛之計身居大牖寧無拯溺之方伏在庭除希聞警

歎下情無任

上蕭舍人啓

某啓某聞孫登之獎嵇康駿茂之逢叔向蓋亦仙凡自
隔豈惟流品相懸雖三秀靈一作鮮華終難苟得而一言

輝發因此相期曷嘗不仰企前脩追懷逸躅豈期陋質
偶竊貞規某器等銜筭居惟嶺嶠徒然折簡非孔門之

詞率爾中科忝劉繇之第殷劓協律項因同籍遂及論

交竊示衷

一作衷

言奉揚嚴旨張司空汲引先及陸機揚

丞相銓衡竟遺劉炫實亦義同得祿榮甚登門伏以舍
人川瀆降靈星辰効祉所冀陶鈞之日不忘簪屨之餘
報不先期竊比齊門座客情非自外欲為顧氏家丞徒
自捐軀安能報德下情伏增依託

上學士舍人啓二首

某聞七桂疑希聲契冥符於淶水兩變孤響接玄映於
清霜感達真知誠恭神妙其有不待奔傾之狀寧聞擊
考之功亦有芝砌流芳蘭扇襲馥已困雕陵之彈猶驚

衛國之弦而暗達明心潛申讜議重言七十俄變於榮
枯曲禮三千非由於造詣始知時難自意道不常艱某
荀鐸搵車邕琴入夔委悴信疑人之未推殘膳宰之前
不遇知音信為棄物伏以學士舍人陽葩擻秀夏采含
章靜觀行止之規已作陶鈞之業遂使枯魚被澤病驥
追風永辭平坂之勞免作窮途之慟恩如可報雖九死
而奚施軀若堪捐豈三思而後審下情無任

某步類壽陵文慙渙水登高能賦本之材華獨立聞詩
空遵詣道在蜀郡而惟希狗監汧河流而未及龍門常
嘆美玉在山但揚異彩更恐宗蘭被選每隔殊漆一作
漆

徒自沉埋誰能攀顧一旦彫於敏手佩以幽襟免使琳
慙寧貽蕙歎潛虞末路未有良期今乃受薦神州爭雄
墨客空持硯席莫職津塗既而臨汝運租先逢謝尚丹
陽傳教取一作
散覓張憑輝華居何準之前名第在丹耕
之列俄生藻繡便出泥沙誰言獻輅車軫先期畢命猶

懼吹竽樂府未稱知音儻更念毛輜終思翼長贖彼在
途之厄仍遺生芻脫於鳴坂之勞兼貽半菽平生企望
終始依投不任感恩干冒之至

上杜舍人啓

某聞物乘其勢則嘒紀畫塗

王褒傳忽若慧汜畫塗
英華訛慧汜作嘒紀

才

戾於時則荷戈入棘必由賢達之門乃是坦夷之逕是
以陸機行止惟繫張華孔闓文章先投謝朓遂得名高
洛下價重江南惟彼歸蕘同於拾芥其弱齡有志中歲

多虞模孝綽之辭方成牋奏竊仲任之論始解言談猶
恨日用殊多天機素少揆牛涔於巨浸持蟻垤於維嵩
曾是自強雅非知量李郢秀奉揚仁旨竊味昌言豈知
沈約扇中猶題拙句孫賓車上欲引几姿進不自期榮
非始望今者永塗怙悵羈宦蕭條陋容須託於媒楊沉
痼宜蠲於醫緩亦嘗懷鉛信史鼓篋遺文頗知甄藻之
規粗達顯微之趣儻使閤一作閤中撰述試傳名臣樓上
妍蚩暫陪諸隸微迴木鐸便是雲梯散露誠情輒干牆

仞

上吏部韓郎中啓

某識異旁通才無上伎幸傳丕訓免墜清芬衡軛相逢
方悲下路弦孤未審可異前朝郭翻無建業先疇嵇紹
有滎陽舊宅故人為累僅得猪肝薄伎所存殆成鷄肋
分陰屢轉尺涕難收仲宣之為客不休諸葛之娶妻怕
早居惟數畝不足棲遲智劾一官靡能沾沃荒涼散社
流寓窮途高堂之饗社難充下澤之津蹊可見竊以棄

茵懷舊尚動深仁投釣言情猶牽末契敢將幽懇來問
平衡昇平相公簡翰為榮巾箱永秘頗垂敦獎未至陵
夷儻蒙一話姓名試令區處分鐵官之瑣吏廁鹽醬之
常僚則亦不犯脂膏免藏謙素豈惟窮猿得木涸鮒投
全然後幽獨有歸永託山濤之分赤蟻疑作赤蟻無耻免干
程曉之門進退彷徨不知所喻

文苑英華卷六百六十二

欽定四庫全書

文苑英華卷六百六十三 宋 李昉等 編

投知六

投前夏口韋尚書啟一首

投禮部鄭員外啟一首

投永寧李相公啟一首

投湖南王大夫啟一首 謝崔舍人啟一首

投湖南于常侍啟一首 謝大理薛卿啟一首

投秘監韋尚書啟一首

上太常房博士啟一首

投鹽鐵裴郎中啟一首

投鄴州裴員外啟一首

投同州楊尚書啟一首

河中辭令狐相公啟一首 投鄭尚書啟一首

投前夏口韋尚書啟

羅隱

某啟某今月二日輒以近文一通上憑閭侍辭違既久

僭越是虞勒蹇步以戴恩捨醫門而奚適伏念隨計渚
宮之日求聞漢浦之年王儉望高芙蓉比幕陳琳筆健
瑋瑁為簪因務窺豹之能遂竊登龍之譽習池侍讌峴
嶺從游許之以向者為文頗勝張詡戒之以偶然成事
恐似李滂其後歲月煎熬輪蹄頑禿僅逾十上幸免一
鳴角羸而只有困時矢盡而未知降處間者尚書理兵
夏汭栽柳武昌文聘江山粗資吟玩費禕攔檻聊奉登
臨某此時嘗駐征橈仰趨畫戟方知叩洪鍾而待教指

墜履以明恩而疾恙所牽衣投不暇伏枕而初慙數蹇
揚帆而竟歎途窮今則潁水政成旋為故事中台位缺
已副急徵風雲將騁於康衢神鬼肯論於宣室輒預提
勃筭先立丘墻雖哲匠掄材固須良木而洪鍾許叩豈
獨兼金謹啓

投禮部鄭員外啓

某啓某前月十八日輒以所薦惡文上千嚴重尋嬰疾
劣遂曠門墻伏以皎鏡無私雖容屢照醫門多病應倦

施功忍隨翔鳥之姿更望不龜之術某滄州捨釣紫陌
迷塵徒欲信書不能知命道薄而魚腮易曝計踈而鳧
脛難加所以甯戚叩歌不惟長夜魏舒對策近至中年
丹霄無獨上之期雙鬢有相輕之色而員外芝田養秀
桂苑摘華口裏雌黃旋成典故座中薤白早避風流敢
因誘善之初仰冀噓枯之便儻一掬華陰之土聊拭蘇
文則數升漢唐作斗涇水之泥永依清濟謹啓

投永寧李相公啓

某啓某去今月三十日獲遂起居伏以黃閭尊崇雖容
展敬白衣卑賤不敢興言今則輒於隕獲之間聊舉證
明之事晉代則司空試劍漢朝則丞相問牛彼或以頑
滯幽姿或以瘦鶩下乘猶能動搖至化感達深仁而況
生稟五常早知恩義跡居十等不至輿臺伏思癸卯年
中維揚城畔謝傳裂土疆之日羊公分節制之時珠履
瑤簪朝盈望府鷄香笏角暮出行臺轉輸則萬井魚鹽
統御則九州侯伯當時務重難之際是籌謀閑暇之初

南國佳辰長聞賦詠東山勝賞屢見篇題為教化之笙
鏞作經綸之彩繪所以漢陽計吏得詣軍門厭次狂生
叨蒙客禮憫之以轉蓬之質安之以負米之心進趨獲
奉於麾幢俸入仍資於甘旨其後何武捧詔平陽趣裝
叅佐解中方虞浪跡新城埭下忽受溫言嗟其未了之
身勉以難遷之性且憐色目猶可發揚是以不揣狂愚
重萌躁妄出則祝趙衰之日永冀流暄入則禱傅說之
星惟希借耀今者風雨得生成之候鑪錫升鼓鑄之司

郭令軍前潛抽妓樂崔寧城外暗毀池臺登庸之時序
未遑反飾之鎡基已兆若某者族惟單緒藝即中流旋
以佩服殊私緘藏厚旨假昆蟲而稟信指簪履一作履以

輸懷竊以浪逼龍津風催律管魚皆五色禽必九苞揚
錦鬢彩羽之姿俟啟蟄吹葭之便獨某行迷要路坐守
窮株九品班資略非親舊六街車馬莫接聲塵捫心而
一寸寒灰泣淚而萬行清血良時易失司馬遷猶是再
三知己難逢越石父於馬感激相公儻或俯迴衡柄曲

賜褒稱雖朽蠹不凋則推常理而孤寒無命祇繫洪鈞
謹啟

投湖南王大夫啟

某啟某聞元亮苦貧姑求彭澤戴顓多病遂乞海虞苟
物役之是牽亦人情而斯見某族惟卑賤品在下中三
篋亡書幸無漏略一枝仙桂嘗欲覬覦十年慟哭於秦
庭八舉摧風於宋野近者以調甘軫慮負米嬰心毛義
前賢尚猶奉檄鯁生何者馬可守株勒氣馬以徐迴解

藩羊而適願前使常侍遽憐此志遂以奏官藉俸入於
衡陽專表章於使府雖元掄書記不足愈風而處士衣
裘未嘗換雪斯亦寃烏尚思於銜石愚公猶銳於移山
尋遇大夫輟夢軒宮吹暄楚嶠手中扇在何必袁宏天
上才高寧惟公輔間者龍門掌貢馬帳搜遺泉客號咷
只憂寶盡地靈惆悵不覺山空而某適限徐兵遠留吳
會不得少將鱗鬣側望風雷指函谷以馳誠遙知氣紫
上蘇臺而送目空羨河清今者輒奉危心來干畫戟大

夫或俯迴趙印下照

一作照
疑避諱

韓仄更於茶藥之中重假

勾留之便所冀猶縻祿食遠救朝昏跡稍免於屢空心
尚期於妄動百生可卜式占郭泰之龜一字為襍全繫
宣尼之筆謹啟

謝崔舍人啟

某啟某鏤冰伎短緣木計踈去年舍人俯念窮迷猥垂
慰薦竟以梁危易折氣俗難醫負塵尾之高譚困龍津
之駭浪雖懷感激長抱憂慙今月八日見某官伏知德

水迴波重霑涸鮒靈丹戕粒已救傷虵當谷罵刷羽之
秋是海鷺窺梁之日豈謂舍人未容祈禱遽賜保明樹
立孤株栽培弱蔓跪聽而淚霑胃臆仰承而背負丘山
而況俗漸輕訛時交勢利或朝遊夕處或貴族華宗至
於取事之時與能之際猶須必成桃李方許扶持若某
者跡未及蕭階一作齊陳榻之嚴目未覩巢閣栖梧之瑞
門寒於光逸命薄於黔婁縱饒委曲所私其奈纖毫無
取必舍人知其殺青廢業二紀於茲垂白倚門一生顯

望乃施陰德以慰歸心言念徘徊不知所處謹啟

投湖南于常侍啟

某啟某聞淮王鍊跡於真仙含靈盡去鄒衍移暄於寒
谷衆卉皆芳豈羽毛可從於霓旌豈凋拚盡闕於葭律
蓋以至道無遺於一物殊私必及於羣生某嘗佩斯言
請陳丹懇間者豹藏不穩魚躍無成浼山公啟事之書
累王衍雌黃之口捫天莫及跼地興慙向浮世以傷懷
拊勞生而自喟光陰不駐齒髮漸高當家貧親老之時

是失

一作
值岐

路亡羊之日淚將欲盡口不敢開直以非漢

代之簪裾困晉朝之流品物彙雖逃於芻狗孤寒竟陷
於蟲沙所以仰蟾桂之高高恐無仙骨覩魚鬚之斂斂
忽有癡心竊希常侍從來許與之言作此改張之計俾
其七郡與奏一官致之於髯叅短簿之間責之以駑馬
鉛刀之用所冀內資骨肉外罄筋骸但繫受恩何須及
第必若終憐薄伎尚憫前途則科號三篇判稱六部早
嘗留意頗亦偏人將今晨禱祝之詞為異日覲覲之路

情雖可恕僭亦堪誅對膠柱以軫懷願漆身而在此謹
啟

謝大理薛卿啟

某啟某聞宋濟之困名場空餘坦率唐衢之昇軍宴但
益號咷斯人以當年不偶於良知晚歲遂成其永恨泥
某卑將此事以戒前車至願蹉跎年光大向秦庭而
屢泣抱楚足以頻傷中間輒以所著讒書上千闈吏近
見某官伏知閣下爰哀弱植俯降深仁迴日月於壺中

展方書於肘後欲使徐甲之屍必起蔡經之骨重生仰
嘉音而背若負山承厚旨而身知有翼既容託迹竊敢
興言某動不知機進惟招敗忌王隱之名者虞預暴蘇
秦之過者張儀羣居不出一言彼則謂某矜才傲物痛
飲不逾三爵彼則謂某恃酒凌人何爭名競利之場有
蠹節食苗之類苟非令君側耳於車上中郎注目於亭
間則隨趙軼以長鳴與吳椽而共朽者也謹啟

投秘監韋尚書啟

某啟某月日以所著讒書一通寓於閩吏退量僭越伏

積憂惶某聞樊子昭之處屠沽發光輝於許劭

本傳有子昭事

郭林宗之游鞏洛振聲價於符融其後物態乖訛風流
委敗下有自媒之誚上無相汲之由某由是反袂興懷
捫心注恨又安得不屬耳於輿人之論傾懷於長者之
談而尚書以盛名鎮乎當時以盛德傳乎奕世不趨趨
於闡葺不浮泛於姦回動則致聖主而活蒼生以為已
任靜則導冲襟而養和氣以守家聲恭惟大朝屬在吾

道若某者燎薪就學擲楮攻文一則以神氣低凡不足
動王侯之瞻視一則以家門寒賤不足辱卿相之搜揚
十年索米於京都六舉隨波而上下永言浮世堪比多
岐所以覽嵇叔夜之書則伏膺戶外讀張季鷹之傳則
大嚼窓間長恐一旦月桂情衰江瀕思起不得揖充國
山庭之相不得窺漢朝王佐之才是以重拂塵衣聊希
藻鑒儻尚書以孺子可教則隨洛下之書生儻尚書以
斯人若狂則訪江東之釣叟靈著神恭惟禱所從謹啟

上太常房博士啟

某啟某前月二十五日以所著讒書一通上獻近見某
官某乙伏承博士曲垂題品俯及孤危某聞孫陽以一
顧之恩騏驥不為駑馬宣父以一言之重夷齊不作餓
夫苟吾道之未忘諒斯人而何遠某也藝新就學閱市
成功偶不自量因思妄動捨五湖之高蹈事九陌之窮
遊一作逐為良工不度之才為要路不容之物所以嵇康
奏樂忿魑魅以爭光劉子營生柰鬼神之相笑那官不

幸一至於斯恭惟咸通之初大中之末故荆南余正字
以博士為軒鏡庖刀今渭北徐端公以博士為靈著神
蔡但言薄伎合在殊私其後某則困躓於龍津博士則
徊翔於鴛侶雖心祈日禱不忘斯湏而天上人間憑何
訊問寧知此日屬在明思疑作思豈一旅人之遭遇有時
而二作者之語言斯中永為負荷適足憂慙况復風訛
俗敗之初轍亂旗奔之際講學則衛刀削樹論文則羸
火燒人家家無相保之心處處有自媒之口而博士獨

持大旆高坐危城招既散之師徒復已亡之土地顧茲
隆替尤屬尊嚴某也雖賦命以多奇或因人而成事願
將所贄以賀明時謹啟

投鹽鐵裴郎中啟

某啟某聞大道五千所制者莫先於躁浮生七十所傷
者莫甚於情某所以反袂興嗟一作懷支頤浩嘆顧兩端

而若是持萬緒以奚歸爰念齡年即偕時輩胷中馬駿
握內地靈入公孫龍之闕不惟逞辯叱東方朔之御且

欲獻書其後獲落單門蹉跎薄命路窮鬼謁天奪人謀
營生則飽少於饑求試則落多於上東經海嶠受下館
於諸侯西出劍門泣危途於丞相光景但銷於杯杓貨
財不入於橐裝傳書而黃耳增勞久客而黑貂兼弊間
者郎中丹青演潤咳唾成音薦光逸之材以地寒為累
舉仲宣之賦以體弱見遺既興奔北之懷因指在東之
念江夏則鋪名池口毗陵則堰號銅墩皆有主張以生
鹽米郎中儻或言泉晚決未忘淘灑之功譚柄時迴別

借牙齒之助

一作使

俾得內資柔滑外救困窮然後驅淮

陽入趙之師更謀背水整秦將渡河之卒重議焚舟日
禱心祈言狂意迫其餘罪戾不敢追逃謹啟

投蘄州裴員外啟

某啟某月六日輒以著讒書一通貢於客次遂歸逆旅
載軫危途必恐員外以其姓氏單寒精神鈍滯汨在衆
人之下遺於繁務之中某懷璧經穿壯年見志仲舒養
勇何啻三年安世補亡寧惟一篋其後因從計吏遂混

時人憤龍尾以不燠念魚腮之屢曝嵇康骨俗徒矜養
性之能李廣數竒豈是用兵之罪關往難問天高不言
去年牽迫旨甘留連江徼雖傷弓之鳥誠則惡弦食薑
之蟲未能忘苦所以遠辭蝸舍來謁龍門黍谷棠陰方
諧志願荷衣蕙帶不柰風霜負所業以長嗟向良工而
有謂昔也松苗各性已知難進之由今則火木相生未
測自焚之理謹啟

投同州楊尚書啟

某啟某聞足歷屠門尚能大嚼力疲吳坂亦解長鳴而
況觀棠陰教化之原入黍谷暄和之景苟不能自提由
瑟直犯丘牆則其人生為無益之徒死作無知之鬼某
譙鄉賤族釣瀨遺氓鉅下二卿素非朋執於陵一叟或
與交游偶然蒙郭泰之言歛爾厲蘇秦之志遂得麥漂
風雨門長蒿萊旋慕題橋因吟入洛三秋旅寓身居計
吏之先萬里徒行家匪大夫之後孰謂九街浪闊雙闕
雲浮姜維之膽有破時李陽之拳無下處由是潛傷鮒

轍暗泣牛衣賈誼長纓雖猶自運張儀健舌亦擬何為
前窺而四海清平內顧而一身流落輒復徘徊鄭驛暉
眈秦醫敢言畫虎之勤但有傷蛇之望謹啟

河中辭令狐相公啟

某啟某聞歌者不繁聲音惟思中節言者不期枝葉所
貴達情苟抑揚之理或差則流一作荒誕之辭亦棄而沈

委病鵲門之下

一作外

窺光龍燭之前上方於趙臺

若用後漢

趙岐字卿臺為曹操孔融舉辟事則當如字或遭逢下
疑作壹蓋臺壹字相近亦有羊陟袁逢稱薦兩

此於陸機榮顯雖侔儻不侔於二子而輝華敢讓於伊
人今則住踰負嶽之蛟去切戀軒之馬輒復重將越調
更唱燕臺以為京兆王章三冬有淚淮陰韓信一飯無
門惟憂委骨窮塵敢望橫戈要路加以輕蹄逸軌猶祈
公子王孫同窺萬頃波瀾各有一時顏色而某短袖難
舞危條易風禱祠則天或未從號泣則人皆不弔由是
飾裝增歛攬策興嗟指祭戟以凝神望鑪錡之借使雖
琳琅杞梓盡歸梁棟之間而藻荇蘋蘩亦戀池亭之內

殷函軫念劉紙懸緘無言誓天有死銘德

投鄭尚書啟

某啟某前月某日輒以所為讒書一通貢於客次尚書
俯憐羈旅遽賜霑濡既受厚恩則宜前去然而疆境有
牽於感慨風烟或軫於追思所以公子亭邊重噓懦氣
侯羸闕畔再轉危腸何昔時有殉義之人而今日無死
恩之士輒復更彈馮鈇上指膺門某也江左孤根關中
滯氣強學早亡其皮骨趨時久困於風塵福星不照於

命宮旅火但焚其生計徘徊末路惆悵危途覽八行之
詔書空仰聖人在上詠五言之章句未知游子何之興
言而幾至銷魂至袂而自然流涕尚書蘊稷契臯夔之
事業負卿軻遷固之文章入則藻鏡冰壺品量人物出
則油幢瑞節控御山河固已藏雷於伺蟄之時待夢於
驅羊之際苟有一物未登其所一夫不遂其懷亦宜上
下聰明旁搖憫惻儻或王行之雌黃借潤仲尼之日月
迴光則其人也三十里之別離免為虛滯十五年之勤

苦永有所歸發自門闌百生知感謹啟

文苑英華卷六百六十三

欽定四庫全書

文苑英華卷六百六十四 宋 李昉等 編

投知七

投顧端公啟一首 代人上路相公啟一首

投戶部裴郎中啟一首

投殿院韋侍御啟一首

投戶部鄭員外啟一首

投翰林劉學士啟二首

投西邊節度使啟一首

投刑部趙郎中啟一首

投陸侍御啟一首
上池州衛郎中啟一首

上池州庾員外啟一首

上翰林劉侍郎啟一首

上鹽鐵路綱判官啟一首

上左司掾郎中啟一首

投顧端公啟

顧雲

某啟某聞三吳詞苑不乏家聲兩晉儒林非無祖德洎
風流寢薄簪紱漸稀將闌吾宗獨付全德不依華宇更
託何門某遠泐涓流寒林一葉學由耕石才實鏤冰爰
自隨計遐方觀光上國難沽聲價易掇羈愁出谷風高
先推弱羽登門浪急預返窮鱗伏念一擲魚竿四環星
管華髮灑倚門之淚遠書開隔歲之緘而又曾棄闕繡
空歸未得已隨律柱捨此何之今則漸徧春期將臨試
藝鸞弧之勇睇鵠增憂伏以端公三翁德服儒流言為

詰訓蕙枯有術肉骨多方儻蒙少借餘波微迴誕說當
見長房之竹亦可為龍則知莊叟之魚終能化羽輕瀆
尊聽伏積憂惶延望音塵不勝翹企

代人上路相公啟

某啟某本異仙材又非良器叨因射策偶忝決科始脫
麻衣纔沾斗粟方期清慎稍竊寵榮無何不善攝生遽
沉痼疾懸蛇結瘰一作疹鬩蟻成穴針石屢加駑一作衰羸
無減並相如患渴雖覺有瘳比玄晏病風猶稀可療實

以彌年伏枕終日閉闔嬰幼素多饘餬莫給腸燃烈火
鬢染繁霜分無榮達之由敢望陶鎔之力家室以幸連
姻戚合候起居伏蒙特軫襟靈深垂顧問咨嗟生業憫
惻羈危許以轉銜致諸外府側聆嘉命寂聽好音扶策
病躬開張淚目仰希尊旨如釋沉疴拜賜猶賒銜恩欲
泣望朱門而尚遠銘丹慙以先深必也果踐玉音不移
金諾資糧有羨藥餌無虞然後訪三世之名醫千金之
顯效獲離枕席再服冠纓維此昇沉實繫恩德因而待

問希同喘路之牛誓此酬恩願比棲囊之雀謹專奉啟
起居陳謝

投戶部裴德符郎中啟

某啟某聞放龜者無心覓印養雀者微意求環蓋由仁
發于誠惠加於物因懷感激遂効禎祥若某者泳沼未
期傷弦有日仰恩波而尚遠指雲路而猶賒欲望生成
猶希憫惻實以才非辨鵠道異猶龍四海投知希逢厚
遇二年求試未遇先場撫螢窻而便欲灰心對鶡花而

徒傷淚目加以秦吳路阻烟水程遙甘滑多違問安常
闕中宵夢到星漢俄沉萬里書迴槐檀遽改而又偶師
題柱竊學棄襦期未達而不還亦捨此而何適伏以曾
將薄伎叨忝殊私儻蒙尚憫枯鱗猶傷塌翼纔霑未薦
便是深恩縱不能生報田文亦可以死酬宣子傾心企
望瀝懇依投圓蓋低臨方輿上載苟違斯語請告神明
謹啟

投殿院韋侍御啟

某啟某聞干時妄動君子不為小智大謀

一作智大謀小

兵家

所忌進憂狂狷退耻敗亡詳觀躁靜之機爰

一作頰

契軍

戎之事聊因牋簡假喻師徒冀憑殷氏之函用代秦庭

之泣某名同膠柱用等鉛刀不思量力而行竊欲爭鋒

而進洎焚舟學海決戰名場忠

一作哀

甲不堅心城匪固

兩經先榜但

一作俱

潰楚師再犯終場亦班齊騎雄鋒缺

落銳志消磨執金鼓以無因送降旗而不暇李陵矢盡

項籍兵窮歸漢懷慙還吳失計所以重噓懦氣再奮空

拳欲罷不能既蕪復上將欲戒嚴文陣蹂躪義圖贖蓋
明奔命之辜雪曹沫敗軍之辱而我師甚寡彼敵尚強
未暇爭衡空憂失律持疑不進掉鞅難前先懷納款之
誠欲有乞師之志伏以侍御身弓落鴈心劍剗犀儒圃
中軍翰林盟主揮五色筆為諸侯師出奇於文苑之中
二南銜璧決勝於粉闈之內七子輿棺儻蒙益以奇兵
濟之餘勇旁麾義櫓遠借雲梯使武庫戈矛皆為我旅
文山草木盡作王師苟無必勝之功甘受後期之責塵

浼清聽

一作德

伏積憂惶謹啟

投戶部鄭員外啟

某啟某聞柳文暢之遇王融初因雅韻劉嗣芳之逢沈約實自片辭或兩句可嘉或一篇堪獎則題於團扇寫在郊居遂使西邸流芳南朝溢美時名愈大紙價彌高今也故事具存清風盡在每因投卷竊賀伊人雖有負於斯文幸遭逢其至鑒若某者學殊半豹藝愧全牛慙無經濟之文空有悲哀之賦投竿魚浦筮跡龍津無一

時暫廢討論無一日敢忘索課誠不足揄揚大政感動

知音比於雕蟲

一作蟲跡

為文鳥跡

一作蹤

成字雖無闕至理

亦粗有可觀輒敢編錄荒蕪輕塵裁鑿禽中一鷲冀文

舉之明知嶽底雙龍庶茂先之必識儻或冰壺借潤水

鏡分光如其積玉之名示以鑑金之譽一日三復非敢

望於休文拂席易衣竊有期於謝混仲尼墻峻元禮門

深非因咫尺之書難寫依投之懇絃哀柱促言切詞繁

先甘妄進之嗤然後

一作後

受自媒之責干犯明名

一作名

德伏

積兢慙謹啟

投翰林劉學士啟

某啟某聞鄭玄之謁馬融不知不去趙壹之干羊陟未
遇未休或三年常在於門庭或一日再經其牆仞蓋以
此時儒學無出於馬公融一作非當世文儒不先於羊子今
所以重桴靈鼓復扣洪鐘者實存於此也某問一作不
知三書惟闕五未能窺豹強欲知龍泊投棄綸竿依憑
細帙從田巴於稷下謁楊震於關西三篋之書粗知篇

目一枚墜簡微識指歸栖遲雖甚於蘇秦勤苦近同於
甯越時或嚴霜屆節脫葉辭枝曲突無烟幽窓有雪飛
文月殿欲擬謝莊染翰蘭臺思齊宋玉實以鈍踰龐統
魯極曾參三犯龍門屢奔鯨浪玄珠難得空迷罔象之
津大道多岐頻灑亡羊之泣輒塵藻鑿叨獻菲辭竊自
朋游或聞推許潘生搗錦巧借丹青謝氏碎金猥加流
品亦復願披仙霧頻扣朱門冀遂望塵不期倒屣今則
藩羝類窟幕燕同危正當羸角之時未識安巢之計輒

披肝膽

一作腸

來訴融

闕

伏以學士辨敵飛龜才雄白鳳

監同止水公甚平衡潤菁藻於詞林雜榛蕪於義路講
理則絲繩讓直發言則山嶽慙輕儻假以風雲賜之慰
薦秦揚雄於漢殿始郭隗於燕臺願借吹噓豈無裨助
至於斬衣異命顧印酬恩夜盜狐裘曉開魚鑰凡於死
所請以身先干犯清嚴無任隕越謹啟

又謝下第後使人存問啟

某啟某聞收燼枝於烈焰必假良知出埋刃於重泉當

資至鑒苟非精識孰測神功蓋由六律五音固應難審
靈鋒寶鏑或未易知某不善守株妄脩通刺爰從前歲
秋杪去年冬初累貢菲詞上千藻鑑實以仙凡阻越流
品懸殊天上程遙人間信斷在塵寰而祝望空有精誠
向雲路以存思寧通夢想近者以龍門阻浪鷲谷摧枝
鱗鬣傷殘羽翰零落懷鄉莊舄正苦越吟去國鍾儀方
悲楚奏誰言否極忽有泰來前日某官委訪窮居曲傳
芳訓側聆尊旨跪聽玉音竊聞俯降咨嗟深垂憫惻初

疑夢覺終謂風傳方當退鷁之時忽得攀龍之便伏以

學士優游仙苑

一作禁

泛泳天潢覆錦高眠八花磚而讓

寵含香視草五色筆以

一作而

慙神況鏤鼎思調前籌待

運起骸有術肉骨多方儻蒙列在衆賓致之下舍曉彈
長缺不空効其歌魚夜取珍裘竊欲借於狗盜下情無
任攀望依託感激之至謹啟

投西邊節度使啟

某啟某聞天列將星國分戎律必命英傑以專統臨故

入則掌驍衛而主親兵為王心膂出則驅隼旗而駕熊
軾分國土田苟非敵號萬人謀通七德孰副擁旌之選
仍當注意之求伏以尚書勇冠山西聲聞隴右九天九
地之法夜受於神姝金箱金櫃之書曉傳於靈叟故得
拔劍龍吼彎弧鴈驚使夷落無喧干戈盡偃邊烽息燭
寒柝沉聲為天子之長城斷匈奴之右臂加以文通三
變學洞九流郭璞神毫每通於夢想羅含彩羽素貯於
心誠時或月滿青樓風清畫閣謝玄暉之理郡不廢謳

吟杜元凱之禦戎何妨講讀而又政惟師古恩切字人
利刃一揮亂繩皆理佇見鳳銜仙詔豹製牙旗長驅十
乘之駢雄福致一方之黎庶遐瞻寵渥不越秋冬某稷
下儒生天涯客子遠攜書劍來拜旆旗識馬援之鬚眉
見太初之禮樂頻叨前席屢聽玄談憂一夫不濟其生
耻一物不登其所義形顏色煦一作煦發襟靈因敢覲
疑避諱縷血誠輕塵藻鑑必希恩察少賜知憐某射鵠無功亡
羊有恨婁敬之衣裘屢敝張儀之頰舌何為至於草織

衡門雪封陋巷蛙鳴竈底魚躍釜中然猶講樹未休書
筠不已潛脩此道以俟一作候明時春初將謁朱門卜行
上國著言利見龜告叶從徑趨沙漠而來直指旌旗之
下盡披肝膈布在牋毫事逼丹誠言多直致志一作心同
鄰女止希蘓代之餘光身類鮒魚惟冀莊周之一勺干
犯清重無任兢惶謹啟

投刑部趙郎中啟

某啟某聞弱水渺瀰匪風輪而不濟丹丘懸一作緜邈微

羽駕而何之苟非玄化之功寧造長生之境其有本無
靈氣復異仙材徒勤九轉之功未識三清之路侍立於
葛洪陂上願附龍鱗徘徊於緱氏山前思隨鶴馭敢傾
丹赤盡寄牋毫扣德操之鼓鐘冀聞遺響仰劉琨之山
海庶覲高深或覲憐憫少加披省某勾吳寒族鄒魯庸
儒偶効殺青因思拾紫捨獨繭文竿之樂預橫經染翰
之游一別楚山四凋秦葉進惟角觸一作解退則羈棲望
化羽之期烏頭詎白困龍門之險魚尾將頽近者輒以

荒蕪上千裁鑿實慙小道不副至公或自朋游竊聆風
旨潘江陸海曲借品流繡段金聲仍加緣飾今則將臨
筆陣漸逼掄材既乏先容惟憂點額絃哀柱促風勁葉
危輒寫丹誠仰塵清鑒儻蒙特分餘潤微假末光朽枿
生萋寒灰發燭纔沾慰薦便是輝華酬恩豈止於捐軀
効德願同於異類迴眸顧印庶竊比龜靈四代五公請
先於雀報

投陸侍御啟

某啟某聞河南器賈本為能文紀

一作渭

北推袁曾因善

賦或以年將弱冠或以才越衆流繇是援自後生寘諸
前席高擅洛陽之價雄專倚馬之名故能為文苑之美
譚作儒家之盛觀若某年將逾誼才不及宏論之過秦
詩殊詠史徒脩通刺莫偶深知加以故國三千青霄九
萬但抱羈離之苦畧無騫蒼之期陶元亮之揮毫只思
歸去庾子山之染翰空有悲哀近者不自揣量輒懷狂
狷累絨巴唱來叩郢門螢近燭龍敢言芒耀鷄親威鳳

論耻羽儀近自朋游竊聆風旨每承譚論常借丹青免
貽覆瓿之譏叨枉擲金之譽此皆情深誘掖意在維持
馳洛下之名華徑容攀附記吳中之氏族常在接聯令
申孔李之交許入原嘗之舍且知逢晏子屈則宜伸媒
遇蹇脩醜而思嫁所以更傾幽抱來訴融襟宋玉雄風
必加吹照謝莊明月終借光輝獲居七士之間便是百
生之忝干犯清聽伏積憂惶謹啟

上池州衛郎中啟

某啟某聞哲匠搜材不遺於榱桷至公選士無間於蒿
萊苟求其文行高明豈計其人材仄陋故王襄之臨益
部首薦郡人杜密之理太山先推縣吏咸齒公侯之爵
秩鬱為文學之宗師若某者早寓樂郊實為編籍數間
螢牖猶存於去獸江邊一葉漁舟尚繫於還珠岸下頃
者不量名分學翫縑紉足履春闈肩隨貢士爭先路狹
角力材微伏膺於孔硯江毫終愧於秦一作楚鷄遼豕加
以中臺千里丹禁九重空吟招隱之詩誰買長門之賦

寒同冰子久迷温燠之途窮類偶人更軫漂流之歎伏
念自隨鄉薦便託門牆每以蕪詞常干藻鑑必謂秉持
刀尺流品生徒豈期來暮興歌亂繩思理旋提郡竹俄
擲省蘭寧知出刺之邦又是維桑之地伏以郎中含香
望重覆錦才高輟自南宮出臨偏郡池魚官犢既濟於
公私綸閣瑣闥已形於僉矚某近得弟霄狀報竊知曲
敦獎勸俯念孱微深嘉窸越之辛勤仍憫鄙生之落魄
大垂恩煦下蔭宗親兒童知激勵之風骨肉感饋餉之

賜伏以秦吳阻隔江嶺縈迴不獲奔走階庭拜陳感激
隨車在御空懷軾下之態無翼陵虛更羨旗邊之事

上池州庾員外啟

某聞陳太守之獎善先自郡人鄭司農之受知始從鄉
佐欲使恩隆薄俗化起儒門年代雖遷風流常在某者
樵蘇賤品桑梓遺民識昧機先智惟人下陳於器用則
魏瓠興譏列在宮商則齊竿致誚徒以幼知經訓長辨
義方偶近縑緡遂捐耕釣披經閱史無怠於光陰雪牖

螢窻每叨於懸刺至於論都叙別歎逝悲秋假烏有以
交談擬子虛而發論偶以書筠得句聊因起草成篇陸
海潘江亦常聞慮宋風謝月素所營心縱不及於前脩
時見推於同輩爰自束書辭楚懷刺遊秦求試春官昇
名貢士投暗而終多齟齬秉機而本乏梯媒纔犯龍津
旋悲鴟退且桃花浪峻難前短鬣纖鱗蘋葉風高預返
踈翎弱羽雖匡衡遊宦未及十年而卞氏傷嗟俄經再
別迴翔輦下求索關中橫戈而未忍先降掉鞅而猶思

更戰竊念秦舟已藝敵在不還蜀柱曾題途窮未返而
又戀深陟岵悲重倚門父子棲遲鄉閭共笑蘇秦羈旅
骨肉相疑儻蒙特降文符稍存庠庇纔聞顧盼便是恩
榮使魯鄰知敬孔丘楚市不陵韓信謝郎中端楚公皆
曾投謁遂忝眷知近聞有使還家便令附狀訴言名姓
實辱獎憐非敢趨妄邀聲援

上翰林劉侍郎啟

某聞皎鏡當懸無疲屢照華鐘在簾不阻頻鏗其有飾

貌前來橫筵直進思投朗鑒願聽洪音孔室高深前遠
仲由之懇羊門峻阻難傳趙壹之懷所以載託牋毫用
為紹介某吳門釣者闕里儒徒捨詹何獨繭之綸學揚
子雕蟲之技慕顛孫之干祿効車子之聚螢西過許昌
空吟景福東游鄒魯欲擬靈光時或風入楚臺雪飛梁
苑偶然成詠忽爾盈篇是用歷韓鄭之門庭學楊衡之
刺謁刻舟琢木未擬迂踈鑿柄攻堅難方齟齬以致兩
臨文陣俱挫筆鋒東郭先生將逃濫吹步兵校尉欲泣

窮途然亦默聽時謠頗聞通論以為蔡中郎之未顧則
竹葉柯亭張司空之見知則劍辭圓室以時方濟會物
有窮通須因甄藻之時冀別沉淪之所求諸作者不在
他人是以某月日輒貢菲詞上干英眄以侍郎學士作
時儀鳳為國元龜學海波瀾常融沆壑情田壘畝曾稔
耕耘屬詞則麗藻恒春視草則文星鎮動言能振摯勢
可燃仄儻蒙垂一顧之恩出陸沉之所平生進退決在
指蹤干犯清嚴無任惶懼企望之至謹啟

上鹽鐵路網判官啓

某聞積塊為龍猶能致雨攻堅作鳥亦善因風此皆出自巧心營於敏手被之鱗甲假以毛羽纔離土木之形便達陰陽之理當其入用猶或濟時況某跡忝人曹名殊物類瞻雲望畢粗識晦明指月看箕常知動息實以曾親筐篋強學進趨人非冠玉之儀賦乏披砂之譽澗松遲茂隴業難芳重趨孟門再困先浪以至萍漂陸海蓬轉九衢吳子生涯惟餘四壁揚雄家產不過十金猶

然染翰自強草玄無怠克已惟脩其直道潛心將候於

已

一作明


知必有英賢寧無濟會自叨將陋唱再黷冲襟

螢邇太陽敢言芒耀鮒游滄海方愧眇微豈期俯側湮
沉深垂汲引吐丹青於金口誇姓氏於同心榮耀既多
鐫銘倍切今則俯臨文陣方假詞鋒失水多虞傷弦易
怯輒披肝肺更訴融明儻蒙少借餘光微均美蔭庶使
因風託便不謝於冥鴻假霧成斑無慙於隱豹塵黷清
鑒無任攀望延佇憂懼之至謹啟

上左司袁郎中啟

某聞仙翁逞術叱石為羊方士呈能結巾成兔苟神靈
之必至亦變化而何難其有欲改前蹤湏憑異行徵諸
事跡或可比倫如某者稷下庸儒吳中單緒爰從幼稚
竊慕搏鵬思積學以干時欲代耕而求祿俄拋釣舸遂
履名場朝無九品之親業有三餘之苦揚子雲之詞賦
自愧雕蟲丁敬禮之文章人嗤畫虎邊蓬易斷路槿難
芳頻傷肅殺之威未識陽和之力窮棲家遠旅宿衣單

望鵠長踈懸鶉屢敞況復吳波瀉淥秦嶽堆青懷橘莫
從採蘭多阻大書一去玄律方還蝶夢初迴涼宵已艾
恨淚泉湧愁腸火煎數竒而只自傷身語苦而何人傾
耳竊思曾披仙露獲拜仁風煦以溫和借其光彩或終
以陸沉興念再惻傷懷願假雲雷偶蘇幽蟄豈可使鷄
鳴函谷只美馮諼龍躍天衢獨傳文舉倘德鄰而義合
寧古有而今無遐想音徽無任懇迫遥瞻紫氣希傳尹
喜之書更詣朱門重奉張湯之刺謹啟



文苑英華卷六百六十四